

Lög fyrir Kennarasamband Íslands  
Á 4. þingi KÍ voru samþykktar nokkrar breytingar á lögum sambandsins

I. kafli  
Nafn og hlutverk

**Nafn**

**1. gr.**

Nafn félagsins er Kennarasamband Íslands, skammstafað KÍ. Heimili og varnarþing er í Reykjavík.

Sambandssvæðið tekur til alls landsins og innan þess eru eftirtalin félög:

- Félag grunnskólakennara, skammstafað FG
- Félag framhaldsskólakennara, skammstafað FF
- Félag tónlistarskólakennara, skammstafað FT
- Skólastjórafélag Íslands, skammstafað SÍ
- Félag stjórnenda í framhaldsskólum, skammstafað FS
- Félag leikskólakennara, skammstafað FL
- Félag kennara á eftirlaunum, skammstafað FKE

**Hlutverk**

**2. gr.**

Hlutverk KÍ er að:

- gæta hagsmuna og réttinda félagsmanna,
- fara með samningsrétt um kaup og kjör félagsmanna,
- auka samstarf kennara og efla fag- og stéttarvitund,
- vinna að eflingu kennaramenntunar og endurmenntunar félagsmanna,
- vinna að því að efla skólastarf og stuðla að framförum í uppeldis- og skólamálum,
- hafa samvinnu við önnur samtök kennara,
- hafa samvinnu við samtök annarra launamanna,
- hafa samvinnu við stofnanir og hagsmunasamtök sem vinna að skólamálum og einnig við samtök kennaranema.

II. kafli  
Félagsaðild og úrsögn

## **Réttur til félagsaðildar**

### **3. gr.**

Rétt til aðildar að KÍ eiga allir sem starfa við kennslu, stjórnun eða ráðgjöf í skólum eða vinna við stofnanir og fyrirtæki sem sinna eða tengjast kennslu og fræðslumálum að uppfylltum eftirtöldum skilyrðum:

1. KÍ semji fyrir viðkomandi skv. lögum nr. 94/1986 um kjarasamninga opinberra starfsmanna, lögum nr. 80/1938 um stéttarfélög og vinnudeilur eða samkomulagi við viðkomandi launagreiðanda,
2. starfshlutfall þeirra sé að lágmarki 25%.

Félagsaðild kemur fram í ráðningarsamningi og/eða með skilum félagsgjalda til KÍ. Stjórn KÍ skal í samráði við viðkomandi starfsmann sambandsins ákveða félagsaðild hans að aðildarfélagi.

Ennfremur eiga rétt til aðildar að KÍ:

1. Kennarar á eftirlaunum,
2. kennarar á atvinnuleysisbótum sem greiða félagsgjald,
3. kennarar í fæðingarorlofi sem greiða félagsgjald,
4. starfsmenn Kennarasambands Íslands.

## **Heimild til félagsaðildar**

### **4.gr**

Stjórn KÍ er heimilt að veita félagsmönnum í launalausum leyfi félagsaðild enda stundi þeir ekki aðra launaða vinnu eða sjálfstæðan atvinnurekstur. Stjórn KÍ skal setja nánari reglur um félagsaðild samkvæmt þessari grein.

Þeir aðilar sem uppfylla aðildarskilyrði að KÍ en uppfylla ekki skilyrði til aðildar að ákveðnu félagi innan KÍ geta engu að síður sótt um að gerast félagar með beinni aðild að KÍ ef þeir svo kjósa og vinnuveitandi þeirra samþykkir. Þeir njóta allra félagslegra réttinda nema seturéttar á fundum sem takmarkast við ákvörðun stjórnar KÍ og/eða viðkomandi félags. Þeir njóta þjónustu starfsmanna þess félags sem gerir kjarasamning þann er þeir taka laun eftir sem og þjónustu annarra starfsmanna KÍ og lögmanna. Um aðild að vísinda/endurmenntunarsjóði fer eftir kjarasamningsaðild.

## **Úrsögn**

### **5. gr.**

Félagsaðild fellur niður ef félagsmaður hættir í því starfi sem veitti honum aðild eða greiðslur félagsgjalda falla niður. Þeir sem gerast félagar í FKE halda þó félagsaðild samkvæmt ákvæðum laga þessara.

Félagsmaður getur ekki sagt sig úr Kennarasambandi Íslands eftir að ákvörðun um vinnustöðvun hefur verið tekin og þar til henni hefur verið formlega aflýst. Félagsmaður, sem segir sig úr félaginu, á ekki tilkall til eigna þess.

### **Félagsgjald og reikningsár**

#### **6. gr.**

Félagsmenn greiða félagsgjald til Kennarasambands Íslands eftir ákvörðun þings. Launagreiðandi skal innheimta félagsgjald mánaðarlega.

Félagsmenn í launalausú leyfi greiða félagsgjald samkvæmt ákvörðun þings. Félagsgjald þetta skiptist milli félagssjóðs og annarra sjóða í sömu hlutföllum og þau gjöld sem KÍ móttækur vegna annarra félagsmanna. Hver einstaklingur er sjálfur ábyrgur fyrir greiðslu félagsgjalds í þessu tilfalli.

Lífeyrisþegar greiða ekki félagsgjald nema þeir haldi áfram störfum á föstum mánaðarlaunum.

Reikningsár sambandsins er almanaksárið.

### **III. kafli Skipulag**

#### **Félög**

#### **7. gr.**

Eftirtalin félög eiga aðild að Kennarasambandi Íslands:

- Félag grunnskólakennara, (FG)
- Félag framhaldsskólakennara, (FF)
- Félag tónlistarskólakennara, (FT)
- Skólastjórafélag Íslands, (SÍ)
- Félag stjórnenda í framhaldsskólum, (FS)
- Félag leikskólakennara, (FL)
- Félag kennara á eftirlaunum. (FKE)

Heimilt er að stofna ný félög innan KÍ ef aðrir hópar óska eftir aðild að sambandinu. Samþykkt þings þarf fyrir aðild nýs félags.

### **Hlutverk félaga**

#### **8. gr.**

Hlutverk félaga er að:

1. Fara með kjaraleg og fagleg málefni viðkomandi félagsmanna sem starfa við kennslu, stjórnun eða ráðgjöf í skólum eða vinna við stofnanir og fyrirtæki sem tengjast kennslu- og fræðslumálum, sbr. 3. gr.,
2. gera kjarasamninga fyrir félagsmenn sína,
3. halda fundi og námskeið fyrir trúnaðarmenn,
4. sjá um kjör fulltrúa á þing KÍ,
5. efla faglega umræðu meðal félagsmanna sinna.

### **Skipulag félaga**

#### **9. gr.**

Hvert félag setur sér lög og kýs stjórn, samninganefnd og skólamálanefnd. Félög skulu senda stjórn KÍ afrit af lögum sínum til staðfestingar innan fjögurra vikna frá aðalfundi. Stjórn KÍ skal ganga úr skugga um að lög félags brjóti ekki í bága við lög KÍ. Stangist lög félags á við lög KÍ gilda lög KÍ.

### **Aðalfundir félaga**

#### **10. gr.**

Aðalfundir félaga skulu haldnir þriðja hvert ár í tengslum við þing Kennarasambands Íslands. Ekki skulu líða meira en sex mánuðir milli þings KÍ og aðalfundar félags.

Á aðalfundi skulu tekin fyrir þessi mál:

1. Skýrsla fráfarandi stjórnar og reikningar,
2. kosning nýrrar stjórnar,
3. kosning stjórnarmanna í KÍ,
4. kosning í fastanefndir og aðrar trúnaðarstöður skv. lögum félaga eða ákvörðun aðalfundar,
5. lagabreytingar,
6. önnur mál.

### **Ársfundir félaga**

#### **11. gr.**

Þau ár, sem ekki er haldinn aðalfundur, skulu stjórnir félaga boða til ársfundar skv. lögum hvers félags. Á ársfundi er m.a. fjallað um starfsemi félagsins og starfsáætlun auk þess sem reikningar eru lagðir fram.

### **Samstarf milli félaga í KÍ og sérstakir styrkir vegna þess**

#### **12. gr.**

Þing KÍ skal ákvarða hverju sinni hvort veita skuli sérstöku fjármagni til að styrkja starfsemi svæðafélaga/deilda aðildarfélaga innan KÍ. Ákveði þing sérstaka fjárveitingu í þessu skyni geta stjórnir svæðafélaga/deilda sótt um styrk til stjórnar KÍ. Styrkumsókn skulu fylgja reikningar

svæðafélags/deildar ásamt umsögn aðildarfélags. Stjórn KÍ skal setja nánari reglur um styrkveitingar samkvæmt þessari grein og skulu reglurnar kynntar fyrir stjórnnum svæðafélaga/deilda.

Styrkir samkvæmt þessari grein skulu einungis veittir til að styrkja félagsstarf félaga/deilda. Óheimilt er að veita fé samkvæmt þessari grein til að styrkja einstaklinga eða til að greiða kostnað af endurmenntun.

### **Trúnaðarmenn**

#### **13. gr.**

Stjórn Kennarasambands Íslands hlutast til um að trúnaðarmaður og öryggistrúnaðarmaður séu kjörnir sé kjörinn á hverjum vinnustað þar sem félagsmenn þess starfa, sbr. lög nr. 94/1986 um kjarasamninga opinberra starfsmanna, lög nr. 80/1938 um stéttarfélög og vinnudeilur og lög nr. 46/1980 um aðbúnað, hollustuhætti og öryggi á vinnustöðum. Stjórnir félaga skulu halda fundi og námskeið með trúnaðarmönnum svo oft sem þurfa þykir.

Trúnaðarmenn skulu kjörnir til tveggja ára í senn og skal félagsstjórn og forstöðumanni stofnunar tilkynnt skriflega um kjör hans. Hverfi trúnaðarmaður úr starfi í viðkomandi skóla eða stofnun áður en kjörtímabili hans lýkur skal kjósa trúnaðarmann í hans stað til tveggja ára.

## **IV. kafli**

### **Þing**

#### **Um boðun, tíðni og vald þinga**

##### **14. gr.**

Þing hefur æðsta vald í málum Kennarasambands Íslands, sbr. þó 32. gr. Halda skal þing KÍ þriðja hvert ár.

Á þinginu eiga sæti með atkvæðisrétti stjórn KÍ, varaformenn félaga og einn fulltrúi fyrir hverja 50 félagsmenn eða brot úr þeirri tölu sem umfram kann að vera. Skulu þeir kosnir af félögum, skv. reglum þeirra og er kjörtímabil þeirra milli reglulegra þinga. Auk þess skal Félag kennara á eftirlaunum tilnefna fimm fulltrúa á þingið.

Formenn orlofssjóðs, sjúkrasjóðs, vinnudeilusjóðs, kjörstjórnar og formenn annarra starfandi nefnda á vegum KÍ sem skipaðar eru samkvæmt ákvörðun þings skulu eiga seturétt á þingi með málfrelsi og tillögurétti. Hið sama gildir um fulltrúa í uppstillingarnefnd og starfsmenn KÍ.

Stjórn ákveður fundarstað og fundartíma. Þing skal boðað með a.m.k. 10 vikna fyrirvara.

Tillögur til umfjöllunar á þingi þurfa að berast stjórn eigi síðar en 6 vikum fyrir þing, sbr. þó ákvæði 33. gr. um lagabreytingar. Þinggögn skulu send út með þriggja vikna fyrirvara. Félagsmenn eiga rétt á að sækja þing til áheyrnar.

Heimilt er stjórn að boða til aukabings um sérstök mikilvæg málefni. Skal aukabing boðað með dagskrá með fjögurra vikna fyrirvara.

### **Kjörstjórn**

#### **15. gr.**

Þing kýs 5 menn og 3 til vara í kjörstjórn sem starfar milli þinga.

Hlutverk kjörstjórnar er:

1. Að stýra kosningu formanns og varaformanns.
2. Að hafa yfirumsjón með fulltrúakjöri fyrir þing KÍ.
3. Að undirbúa og stjórna allsherjaratkvæðagreiðslu um verkfallsboðun og kjarasamninga, skv. lögum nr. 94/1986 um kjarasamninga opinberra starfsmanna og lögum nr. 38/1938 um stéttarfélög og vinnudeilur.
4. Að undirbúa og stjórna öðrum atkvæðagreiðslum sem sambandsstjórn felur kjörstjórn sérstaklega.

Kjörstjórn úrskurðar um úrslit í atkvæðagreiðslu, kjörskrárkærur, vafaatkvæði og önnur ágreiningsatriði sem upp kunna að koma í atkvæðagreiðslum sem hún sér um.

Kjörstjórn, í samráði við viðkomandi stjórn eða nefnd, ákveður hverju sinni hvort atkvæðagreiðsla skuli fara fram sem póstkosning eða með rafrænum hætti.

### **Dagskrá**

#### **16. gr.**

Á dagskrá þings skulu a.m.k. vera eftirtaldir dagskrárliðir:

1. Skýrsla stjórnar um starfsemi KÍ.
2. Skýrsla stjórnar um fjárreiður KÍ og lagðir fram endurskoðaðir reikningar til afgreiðslu.
3. Skýrslur um starfsemi sjóða og starfandi nefnda.
4. Tillögur til lagabreytinga, sbr. 33. gr.
5. Stefnumskrá KÍ.
6. Fjárhagsáætlun fyrir næsta kjörtímabil.
7. Ákvörðun um árgjald fyrir næsta kjörtímabil, sbr. 6. gr.
8. Kosning kjörstjórnar, uppstillingarnefndar, tveggja skoðunarmanna reikninga og í önnur trúnaðarstörf sem þing ákveður hverju sinni.
9. Lýst kjöri stjórnar.
10. Önnur mál.

V. kafli  
Stjórn og stjórnarkjör

**Um stjórn**  
**17. gr.**

Kjörtímabil stjórnar er milli þinga.

Formaður og varaformaður skulu kosnir í skriflegri allsherjaratkvæðagreiðslu meðal félagsmanna eftirtalinna félaga: Félags grunnskólakennara, Félags framhaldsskólakennara, Félags leikskólakennara, Félags tónlistarskólakennara, Skólastjórufélags Íslands og Félags stjórnenda í framhaldsskólum.

Allsherjaratkvæðagreiðsla um kjör formanns og varaformanns skal fara fram eigi síðar en fjórum vikum fyrir þing. Ef aðeins einn býður sig fram til embættis formanns og/eða varaformanns skoðast viðkomandi sjálfkjörinn. Formaður og varaformaður KÍ geta ekki jafnframt verið formenn í félagi innan sambandsins.

Auk formanns og varaformanns sitja í stjórn KÍ formenn ofangreindra félaga og einn maður að auki, séu félagsmenn fleiri en 1000, tveir menn séu þeir fleiri en 2500, og þrír séu þeir fleiri en 5000, kosnir eftir reglum sem félögin setja sér. Varaformenn félaga eru varamenn formanna í stjórn KÍ. Félög skulu kjósa varamenn fyrir aðra stjórnarmenn í samræmi við ákvæði þessarar greinar um fjölda stjórnarmanna.

Falli atkvæði jafnt á stjórnarfundum ræður atkvæði formanns KÍ úrslitum.

**Framboð og uppstillingarnefnd**  
**18. gr.**

Á þingi skal kjósa sex manna uppstillingarnefnd og jafn marga til vara. Hlutverk nefndarinnar er að leggja fram tillögur um frambjóðendur til kjörs formanns og varaformanns.

Uppstillingarnefnd leggur fram tillögur um frambjóðendur til annarra starfa á vegum KÍ sem kosið er til á þingi eða í almennri atkvæðagreiðslu. Við uppstillingu skal tryggja jafnræði hópa innan KÍ.

Við skipan í nefndir, ráð og stjórnir innan KÍ skal þess gætt að hafa til hliðsjónar 15. gr. laga um jafnan rétt og jafna stöðu karla og kvenna nr. 96/2008, þar sem því verður viðkomandi.

Stjórn KÍ kallar nefndina saman í síðasta lagi ári fyrir þing. Uppstillingarnefnd skal boðuð til þings og hafa nefndarmenn málfrelsi og tillögurétt þó þeir séu ekki kjörnir fulltrúar.

Uppstillingarnefnd starfar eftir sérstökum reglum sem stjórn KÍ setur. Uppstillingarnefnd skilar skrá með nöfnum frambjóðenda til formanns og varaformanns eigi síðar en 10 vikum fyrir þing og nöfnum frambjóðenda til annarra starfa eigi síðar en fjórum vikum fyrir þing.

Skylt er að kynna alla frambjóðendur KÍ með hæfilegum fyrirvara fyrir kosningar.

### **Kosningar á þingi**

#### **19. gr.**

Kosning sbr. 16. gr. skal bundin við uppástungur og leynileg ef fleiri eru í kjöri en kjósa á.

### **Hlutverk formanns**

#### **20. gr.**

Formaður KÍ er formaður stjórnar sambandsins, og hefur yfirumsjón með rekstri þess.

### **Hlutverk formanna í aðildarfélögum**

#### **21. gr.**

Formenn aðildar félaga í KÍ hafa yfirumsjón með rekstri þeirra. Þeir fara hver um sig með umboð sambandsins gagnvart undirbúningi, gerð og undirritun viðræðuáætlana, kjarasamninga og um önnur mál er tengjast samningasviðinu.

### **Hlutverk stjórnar**

#### **22. gr.**

Stjórn KÍ fer með æðsta vald í málefnum sambandsins milli þinga. Það felur í sér, auk þess sem að neðan er talið, að taka ákvarðanir í stærri málum sem lúta að sjóðum og aðildarfélögum sambandsins. Stjórnin fer með framkvæmdavald í samræmi við stefnuskrá og starfsáætlun. Hún hefur ákvörðunarvald um málefni sambandsins innan marka laga þessara en lýtur þó fyrirmælum þings og ákvörðunum sem teknar eru í allsherjaratkvæðagreiðslu. Stjórnin gætir þess að lögum og samþykktum sé framfylgt og kjarasamningar haldnir.

Stjórn KÍ setur reglur um launakjör og þóknanir, sbr. 25. grein.

Eigi sjaldnar er einu sinni á ári, þau ár sem ekki er haldið þing KÍ, skal stjórn boða til ársfundar Kennarasambands Íslands. Á ársfundi eiga seturétt stjórn KÍ, stjórnir-, skólamála- og samninga-nefndir aðildarfélaga Kennarasambandsins, ásamt formönnum þingkjörinna nefnda og nefnda sem starfa samkvæmt ákvörðun þings. Þá eiga jafnframt seturétt þingkjörnir skoðunarmenn reikninga KÍ og aðrir sem stjórn KÍ ákveður hverju sinni.

Stjórn KÍ ber ábyrgð á fjárreiðum og eignum KÍ. Stjórn KÍ skal sjá til þess að fullnægjandi bókhald, sbr. lög um bókhald nr. 145/1994, sé til staðar fyrir alla sjóði og félög innan sambandsins. Jafnframt ber henni að sjá til þess að fullnægjandi innra eftirlit sé til staðar

varðandi rekstur og fjármuni félaga og sjóða sambandsins, m.a. til að koma í veg fyrir misfærslur í bókhaldi sem stafa af skekkjum, sviksemi eða öðrum ólögumætum athöfnum.

Á ársfundi skal stjórn leggja fram endurskoðaða reikninga KÍ fyrir næstliðið ár, skýrslu yfir starfsemi sambandsins og þingkjörinna nefnda ásamt því að ganga frá starfsáætlun fyrir komandi ár. Á ársfundi skal taka fyrir málefni sem varða innra starf, skólamál, kjaramál og önnur þau mál sem efst eru á baugi að mati stjórnar hverju sinni.

Ferðakostnað vegna ársfunda greiðir viðkomandi félag/nefnd en upphalds- og fundarkostnaður að öðru leyti greiðist af KÍ.

### **Verkaskipting og starfshættir**

#### **23. gr.**

Stjórnin setur sér verklagsreglur í upphafi kjörtímabilsins og skiptir með sér verkum samkvæmt þeim. Láti formaður eða varaformaður KÍ af embætti á kjörtímabilinu skal í allsherjaratkvæðagreiðslu kjósa nýja í þeirra stað.

Sambandsstjórn skal halda fundi svo oft sem þörf krefur. Í forföllum aðalmanna skal boða varamenn. Formaður stýrir stjórnarfundum og annast dagskrá þeirra. Einfaldan meirihluta þarf til að ákvarðanir stjórnarfunda séu lögmætar, sbr. þó lokamálsgrein 17. greinar. Stjórnarfundir eru lögmætir ef 2/3 hlutar stjórnarmanna eru á fundi enda hafi fundurinn verið boðaður í tæka tíð.

### **Gjörðabækur**

#### **24. gr.**

Ritari heldur gjörðarbækur KÍ og færir inn í þær lög þess og fundargerðir stjórnar. Fundargerðir skulu samþykktar á stjórnarfundum og undirritaðar af ritara og formanni.

### **Laun og þóknunir**

#### **25. gr.**

Allar launagreiðslur og þóknunir á vegum KÍ, aðildarféлага þess og sjóða skulu vera í samræmi við reglur sem stjórn KÍ setur.

### **Eignavarsla**

#### **26. gr.**

Semja skal við viðurkenndar fjármálastofnanir um vörslu og ávöxtun fjármuna KÍ. Miða skal við að fjármunir séu ávaxtaðir á innlánsreikningum, í skuldabréfum eða hlutabréfum samkvæmt nánari fyrirmælum sambandsstjórnar.

Heimilt er að stofna sérsjóði innan sambandsins. Skal það gert með reglugerð fyrir hvern sjóð er þing samþykkir.

Skoðunarmenn reikninga skulu fylgjast með fjárhagsstöðu sambandsins og að farið sé eftir samþykktum þings og stjórnar.

## VI. kafli Samninganefndir – kjararáð

### Samninganefnd

#### 27. gr.

Hvert félag skal kjósa 3 - 5 fulltrúa sem ásamt stjórn félagsins mynda samninganefnd. Kosning skal fara fram í samræmi við lög hvers félags. Samninganefnd hvers félags fer með gerð kjarasamninga fyrir félagsmenn sína, sbr. lög nr. 94/1986 um kjarasamninga opinberra starfsmanna og lög nr. 80/1938 um stéttarfélög og vinnudeilur. Samninganefndin skiptir með sér verkum.

Hlutverk samninganefnda er:

1. Að ganga frá endanlegri kröfugerð,
2. að annast gerð kjarasamninga,
3. að taka ákvörðun um hvort efna skuli til atkvæðagreiðslu um verkfall,
4. að taka ákvörðun um hvort undirrita eigi kjarasamning með fyrirvara um samþykki félagsmanna og hvort fresta skuli verkfalli.

Formaður félags í umboði KÍ ber ábyrgð á undirritun kjarasamninga fyrir sína félagsmenn og gerð og undirritun viðræðuáætlana vegna endurnýjunar þeirra sbr. einnig 21. gr. í lögum KÍ.

Formaður eða varaformaður KÍ starfar með samninganefnd aðildarfélags ef stjórn þess óskar.

### Kjararáð

#### 28. gr.

Kjararáð er skipað fulltrúum úr samninganefndum aðildarfélaga Kennarasambandsins og stjórn sambandsins og tveimur fulltrúum frá Félagi kennara á eftirlaunum. Hvert félag leggur til tvo fulltrúa í ráðið. Formaður KÍ er formaður kjararáðs.

Hlutverk kjararáðs er:

1. Að vera sameiginlegur vettvangur félaga KÍ til að fjalla um stefnumörkun í kjarasamningum þeirra og til þess að styrkja tengsl milli félaga á kjarasviðinu.
2. Að fjalla um og framfylgja stefnu KÍ í kjara- og réttindamálum sem varða alla félagsmenn KÍ eða sem félög sambandsins hafa falið Kjararáði að fara með fyrir sína hönd.
3. Að fylgjast með efnhags- og kjaramálum, afla gagna og sjá um að þau séu aðgengileg félögum KÍ á hverjum tíma.

4. Að afla upplýsinga um kjarasamninga annarra stéttarfélaganna jafnt hjá hinu opinbera sem á almennum markaði og miðla upplýsingum um þá til félaga KÍ.
5. Að undirbúa í samráði við stjórn KÍ kjaramálaráðstefnu, fræðslufund eða námskeið um kjara- og samningamál eftir því sem við á hverjum tíma.

## VII. kafli

### Skólamálanefndir – skólamálaráð

#### Skólamálanefndir félaga

##### 29. gr.

Á vegum félaga starfa 3 - 7 manna skólamálanefndir sem sinna faglegum málefnum fyrir félagsmenn þeirra.

Hlutverk skólamálanefnda er:

1. Að fjalla um fagleg málefni og skólamál í samráði við stjórn og skólamálaráð,
2. að vinna að eflingu kennaramenntunar og endurmenntunar félagsmanna,
3. að annast tengsl við fagfélög og sambærilegar nefndir annarra uppeldisstétta.

#### Skólamálaráð

##### 30. gr.

Skólamálanefndir félaga mynda skólamálaráð ásamt formanni skólamálaráðs. Stjórn KÍ skipar formann ráðsins. Skólamálaráð heldur a.m.k. einn fund á ári. Formenn skólamálanefnda félaga og formaður skólamálaráðs mynda framkvæmdastjórn.

Hlutverk skólamálaráðs er:

1. Að fjalla um uppeldis- og skólamál á hverjum tíma og álykta um þau til stjórnar KÍ,
2. að vera stjórn til ráðuneytis um stefnumörkun á hverjum tíma,
3. að fara með mál sem tengjast faglegri menntun félagsmanna,
4. að annast tengsl við fagfélög og halda fundi með þeim eftir þörfum,
5. að undirbúa í samráði við stjórn KÍ ráðstefnur, fræðslufundi og námskeið um skóla- og menntamál eftir því sem við á hverjum tíma,
6. að fjalla um og túlka skólafundum KÍ og gera tillögur um framkvæmd stefnunnar og markmið.

## VIII. kafli

### Almennir fundir og allsherjaratkvæðagreiðslur

## **Almennir fundir**

### **31. gr.**

Stjórn KÍ getur boðað til almennra félagsfunda. Skyld er að boða til almenns fundar ef 10% félagsmanna eða fleiri krefjast þess skriflega og tilgreina fundarefni.

### **Allsherjaratkvæðagreiðsla um kjarasamninga, boðun verkfalls o.fl.**

#### **32. gr.**

Um kjarasamninga og boðun verkfalls skal fara fram leynileg, almenn atkvæðagreiðsla meðal félagsmanna sem samningurinn nær til, samkvæmt lögum nr. 94/1986 um kjarasamninga opinberra starfsmanna og lögum um stéttarfélög og vinnudeilur nr. 80/1938 eftir því sem við á. Kjörskrá skal miða við gildandi félagatal KÍ. Þeir sem sannanlega greiða félagsgjald til KÍ en eru ekki komnir á félagaskrá eiga rétt á að taka þátt í allsherjaratkvæðagreiðslu hverju sinni. Sambandsstjórn getur efnt til allsherjaratkvæðagreiðslu um önnur mikilvæg málefni sem eigi falla sérstaklega undir þing.

## **XI. kafli**

### **Lagabreytingar og gildistaka**

#### **Lagabreytingar**

##### **33. gr.**

Lögum þessum má aðeins breyta á þingi Kennarasambandsins og þarf breytingin að hljóta 2/3 greiddra atkvæða til þess að öðlast gildi.

Tillögur um lagabreytingar þurfa að hafa borist stjórn 8 vikum fyrir þing og skulu þær kynntar þingfulltrúum eigi síðar en þremur vikum fyrir þing.

#### **Gildistaka**

##### **34. gr.**

Þannig samþykkt á 4. þingi Kennarasambands Íslands í apríl 2008.